



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 25. Apud Calchaquinos multa fiunt memoratu digna.

urn:nbn:de:hbz:466:1-38528

CAPUT

XXIV.
Iter fructu-
tum ad Cha-
quensem
Provin-
ciam.

*Joannes Fra-
nciscus Oloru
moris.*

*Ignatius Me-
dina in opus
intendit.*

*Mataguaiæ
conciliantur.*

*Expeditio
disturbatur.*

CAPUT

XXV.
Apud Cal-
chaquinos
multa sunt
memorata
digna.

*Pueri cor-
rumptuntur.*

*Christiano-
rum nomina
dolus impo-
sita.*

*Sociorum
constantia.*

Urimba.

Cumbicha.

IN Collegio Sancti Michaëlis apud Tucumanos, relicto tantum Sociis sui desiderio, nam cetera pauperissimus erat, fato præcoei ex mera caritate orto sublatus est Joannes Franciscus Oloru, prosapia nobilis, patria Navatrus, religione insignis, promissarum imprimis virtutum cultor, tam putus & albus, quam nomen gentilium. Animarum lucro indesinenter inhiavit. Ingatum linguam calluit, Tonocotanam missionis Chaquensis candidatos discebat: nam Socii sub idem tempus in Chaquensem provinciam intenti, magno ardore ad Apostolicos labores aspirabant. Ad quam provinciam ex propinquo explorandam, Ignatius Medina, Provincialis misit, Omaguacam contendit: unde Laurentium quomidam Indum, rerum agendarum satis peritum, tentatum misit Mataguarum animos, per quorum terras brevissimus erat in Chaquensem provinciam transitus. Porro Mataguaiæ quatuor oppida habitant, quibus præsunt totidem Casiquii æquali ferme potestate. Eorum nobilissimo Laurentius munericibus Ignatii Medina nomine oblatis, explicatisque adventus sui causis, effecit, ut vicinorum Casiquiorum conuentus habetur, in quo post varios utrimque jactos sermones, nemine reluctante, decreterum est, non tantum Sociorum Jesu adventum æqui bonique consulendum, sed etiam procurandum; & ut id commodissimè fieret, viæ compendium quærendum esse, iterque Omaguacense communibus operis explanandum; rediret itaque Laurentius, & Ignatio Medina referret, dona & postulata Mataguais fuisse acceptissima, & ipsius adventum fore longè gratiorem; expectaret tantummodo dum fese peregrina aquæ in alveum recepissent, tum enim missurum se Omaguacam viarum duces, & commeatū; si Pater ferramenta secum adferret, rem graciam utilēmque genti facturum. Sparso in vulgo Casiquiorum decreto, tanto plebs omnis exiliit gaudio, ut quaquà incederet, gratulationis ergò, Laurentio occurserent. Anus, puellæque, hæ pudori conservando, illæ frigori pellendo, ut Patres vestiaris ligationes procurarent, postulabant. Denique proclivia omnia ad rem bene gerendam videbantur: sed ea res ultra spem non progressa est; nam operariis ad hanc simul & Calchaquinorum provinciam capessendam non sufficientibus, Provincialis adhibito seniorum Patrum consilio, revocato Ignatio Medina, decrevit Calchaquinorum missionem continuandam, & Chaquensem omittendam, quousque Generalis Præpositus mitteret gentem novam in novam messem.

A PUD Calchaquinos dæmon infensos Barbarorum animos in rem Christianam conservare fatigebat, incolarum senioribus, quorum nutus apud juniores imperium est, generis humani hosti obstinate applaudentibus. Gens omnis, præter avitas superstitiones, nihil studiosè obit: pueri, qui ad speciem pii probi que sunt, ubi primùm se ad suos ex nostra disciplina receperint, ne umbrâ quidem probitatis reservatæ, ad perverlos parentum suorum mores deflectunt; adeò verum est, cum bono bonus eris, & cum perverso perverteris. Magnates, ne linguam suam discant Socii, omni ope contendunt. Dæmon sacra profanis miscerit assuetus, ut Christianorum nomina infidelium prolibus recenter natis sine Sacramento imponeantur, efficiebat, ut cum adoleverint ignoraretur, utrum ritu Christiano nomen accepissent. Quæ omnia quamvis spem videantur adimere gentis aliquando convertendæ, tamen Apostolici viti considerantes Fidei propagationem humanâ æstimatione perpendi non debere, & ferè nunquam sine ingenti labore constantiaque peragi: ipse projecta in eum, qui dat verbum Evangelizantibus virtute multa, læti & alacres per hæ deserta loca eunt, mittere pergebant semina sua, fructum datura in tempore suo. Ferdinandus Torreblanca Hualfinam Calchaquinis vicinam vallem, & oppidula Saltensi ditioni subditâ lustrans, vix ullum reportavit opera pretium, ob gentis perveritatem, inverecundis moribus & superstitioni pertinaciter inhærentis. Permisere tamen Barbari in suis terris Cruces erigi, facella excitari, Sacraque coram se fieri. Petrus Patricius Utimbæ potentissimi Casiquii terras adiens, non pauca benevolentia pignorarecepit; nam ipsi met Urimba iter facienti, honoris ergò, obstacula viarum amovit, uxoris & filiorum alloquium permisit, & in ædicula abs se ante condita, demptis crinum redimiculis, Sacra facienti interfuit.

Cumbicha,

Cumbicha, poren alter Casiquius, cum comitatu Socios adiens, multa praestitit benevoli animi munimenta. Quamquam si vera volumus noscere, vix in praesentiarum sperabatur alius fructus, quam qui ex infantium morientium Baptismo subinde percipiebatur. Ex Riocensi Collegio instituta missio ad Palustres Indos non omnino inutilis fuit: nam, prater bene magnum expiatorum numerum, Barbarorum manipulus sacris undis ablutus est.

Ad Paranam eadem erat Sociorum industria, quæ superioribus annis in conservandis Neophytis, & Ethnicis reducendis, quorum hoc anno benè magnus numerus, non satis distincte mihi notus, immersus est. In Sancti Josephi oppido immatura mors Patrem Petrum Marques Gallo-belgam, Insulis natum, ætate ac ingenio florentem, rapuit. Ante initiam Societatem, praefecturam Ecclesiasticam, optimam sancè & honorificam, ab vito principe ultrò delatam, adire respuit. Expletis in Religione virtutum & studiorum experimentis, Græcas litteras & Rhetoramicam Atrebati cum laude docuit. A teneris unguiculis ad heroica facinora aspiravit. Martyrium incredibili cupiditate animi ambiens, sapientius ad Majores suos suo sanguine inscriptas litteras dedit, quibus missiōnē Japonicam Indicantque flagitabat. Atque ut id ardentissimè faceret, non parvum incitamentum addidit ejus matris lectissime matronæ præfigum: quæ in ultimo agone, ex vehementi deliquio ut sibi reddita est, ad filium tum Societatis tyronem se revisentem conversa, in hæc verba protupit: *Lubenter, fili mi, morior, quia colitus didici te constanter in Societate victorum, & inter Anthropophagos moriturum.* Quæ Matri extrema verba in id quod optabat benignius contorquens, semper sibi persuasum habuit, vitam Martyrio inter Barbaros carnis humanæ voraces sibi esse finiendam: licet mater non cruentam, sed quamcumque mortem inter ejusmodi homines præfigisset. Eriam Magnæ Matri M A R I A carus fuit, à qua memoria tenacitatem obtinuisse creditus est; cùm enim quotidianum scholæ pensum memoriter agrè posset antè reddere, ut semel institutus apud Cœli Reginam memoriam fluxibilitatem posse sibi esse impedimento, ne in Societatem filii tanquam litteris ineptus adoptaretur, tantam deinceps memoria felicitatem expertus est, ut, me teste, benè longam orationem, & unius horæ poëma abs se compositum, uno altero die memoria mandaret, & sine hesitatione recitaret. Nec tanti beneficii aliquando vixit immemor: nam nulla de te magis, quam de titulis & amoribus Marianis loquebatur, animoque revolvebat. Animi corporisque puritatem usque ad mortem conservavit, adeò ut graviori culpâ animæ innocentiam nunquam maculasse asseruerit is, qui ipsius confessionem de tota vita in ultimo agone audierat. Quando de amplificando Dei regno se se loquendi occasio offerebat, eā contentionē id præstabat, ut satis appareret in generoso pectore heroicos ignes includi, quibus fovendis Sancti Francisci Xaverii memoriam, tanquam flammarum Apostolicarum escam, frequenter adhibebat. A magnis viris in Belgio pro Sancto habebatur. Morbus lethalis lenta febris fuit, ex navigationis Indicæ incommodis medullitis concepta, qui deinde adscivit biennalem disenteriam. Animam efflatus, non sine anxiæ animi significatione ait, quæ est ista mulier, quæ immiscet se nostris choris. Expelle illam, cūmque Sōcius baculum ac si mulierem vellet abigere prætendisset, addidit, benè habet: & veniam erratorum à præsentibus petens exspiravit. Paulò antè mortem, cognito inter quosdam Urvaïenses Paranensesque Socios convenisse, ut superstitites duodecim Sacra pro primo morientibus ex pacto facerent, ut inter illos adlegeretur obtinuerat, latusque tanto suffragiorum augmento, è vita discesserat. Concederati omnes pacto stertere: sed unus Christophorus Altamiranus, Bororai oppidi præfetus, quod magnam cum moriente Parte pacti inæqualitatem concepisset, & quasi si illis non indigeret, pacta Sacrificia facere contempsit: non tamen impunè; nam importunus exactor mox adfuit. Igitur Christophoro sudores insoliti, & insomnia suboruntur, fragor in templo quasi hominis pulpitum concutientis testique summitatem evertentis auditur: altare detegitur, & interjectis diebus infestiora signa inquietudinis præbita, & pleraque repetitis vicibus, ne phantasiaz lusus vide.

Infantes baptizati.

CAPUT
XXVI.
De vita &
Morte Petri
Marques.

Eius patria.

Præfigum
matris.Impetrata
ab virginis
memoria.Petri Mar-
ques inno-
centia.

Morbus.

Pactum.

Apparicio.